

重刊道藏輯要

中和集

都梁清菴瑩蟾子李道純元素撰

門弟子損菴寶蟾子蔡志願編

玄門宗旨

動靜無端

太極圖



陰陽無始

道藏輯要

中和集

貳

易集八

釋曰圓覺道曰金丹儒曰太極所謂無極而太極者不可極而極之謂也釋氏云如如不動了了常知易繫云寂然不動感而遂通丹書云身心不動以後復有無極真機言太極之妙本也是知三教所尚者靜定也周子所謂主於靜者是也蓋人心靜定未感物時湛然天理即太極之妙也一感於物便有偏倚即太極之變也靜定之時謹其所存則天理常明虛靈不昧動時自有主宰一切事物之來俱可應也靜定工夫純熟不期然而自然至此無極之真復矣太極之妙應明矣天地萬物之理悉備於我矣

四正中直